

海隅閒墨

兆 蓉

旅臺唱和集 (續十三)

△次和林鵬霄先生「寄贈海濤兄」

原韻

正值重陽風雨天，
夙長法學兼文學，
故里音書仍斷絕，
年來客裏饒吟興，

張 坦

隨同衙署共移遷，
久仰詩仙又酒仙！
新村景物足流連！
聊賦俚言亦獻箋。

△同 右

九搏振翮可摩天，
且與獼猿同悟道，
欲除煩惱絲難斷，
一片孤忠懷故國，

葉在鋌

底事卑棲未肯遷？
不隨鷄犬共登仙，
爲去癡情縷尙連，
猶從澤畔擘吟箋。

△同 右

節高仰望欲齊天，
我亦瀛瀛原作客，
微官閒味如茶苦，
北定中原期有日，

任葆琳

諸老堅貞志不遷，
今同在莒豈求仙？
逆旅羈愁似草連，
出師一表待誰箋？

△此 身 × × × ×

葉在鋌

最難抱朴守全真！
不合時宜甯負腹，

出處還當重此身，
欲收後果慎前因。

△次韻乃偉兄「此身」(丁酉青年節作)

張 坦

青年愛國見情真！
締造共和成偉業，

赴義爭先獻此身，
黃花碧血肇前因。

× × × × × ×

△何 心

葉在鋌

歷亂何心戀物華？
休言世外桃源好，

最憐鴻爪遍天涯！
要念南陽是舊家。

× × × × × ×

△次韻乃偉兄「何心」

張 坦

白雪盈巔感歲華！
何心與世爭長短？

依然微宦寄生涯！
買醉尋常到酒家。

(待續)

旅臺唱和集 (十四)

△四十六年除夕有感

陳海濤

十載飄零客，閒曹寄此身，思鄉空有淚！
避地總傷神！骨肉何時聚？家山入夢頻，
那堪日衰老！又報歲華新。

△次韻海濤兄「除夕有感」

張坦

丹忱思報國，珍重老人身！長嘯驚天地！
高歌泣鬼神！偏安羞伛偻！抗暴喜頻頻！
舊歲今宵盡，明年氣象新。

△四十六年除夕四首

葉在鋌

(其一)

過隙駒光去不居，
今宵早睡休空守，
客愁難共舊年除！
好讓夢魂返里閭！

(其二)

獨對流年喚奈何！
夜來秉燭還照鏡，
問誰收拾舊山河？
白髮平添有幾多？

(其三)

豈爲封侯事遠遊？
寄言故國諸父老，
避秦無奈此淹留！
待得歸來看白頭。

(其四)

躋列騷壇愧附庸！
早知橐筆天涯誤，
自憐衰朽一龍鍾！
悔不居家作老農！

△次韻乃偉兄「四十六年除夕」四首

張坦

(其一)

久滯蓬萊作客居，
無端送歲今宵闌，
許多心願盡消除！
爆竹聲聲響比閩。

(其二)

隔海情形近若何？
佇看直搗黃龍府，
遙聞日下似江河，
痛飲屠蘇快意多！

(其三)

垂老何堪避地遊！
親朋身歷紅流劫，
故鄉到處淚痕留，
重晤當驚盡白頭！

(其四)

堪嗤若輩亦登庸！
際此財窮民盡日，
浪費官家粟萬鍾，
何如歸去學耕農？

△思隱二首

張坦

(其一)

衙署疏遷百事清，
辭官願作江湖叟，
比來閒散一身輕！
祇聽風聲與水聲。

(其二)

人生樂事幾經過！
閩海承平如可隱，
歲月相催鬢已皤！
一簑一笠老烟波。

△次韻兆蓉兄「思隱」二首

葉在鋌

(其一)

差喜青衫兩袖清！
閒曹事簡一肩輕！

避罵更向村中住，

愛聽蕉窗夜雨聲。

(其二)

百歲人生半已過！
宦遊未遂還山願，

空餘雪刺鏡中皤！
獨對韶華感逝波！

(待續)

談詩鐘(二)

丁酉初夏臺北××詩社以「粉」「團」第六唱徵詩鐘，筆者與拙荆曾參加此次雅集，得句如下：

(1) 壁畫模糊餘粉屑，

櫓聲過去剩團紋。

(2) 世未昇平偏粉飾！

家多離散幾團圓。

(3) 風前柳絮成團舞，

雪後梅花似粉粧。

(4) 蝶戀三春忙粉翅，

蟹肥九月嗜團臍。

(5) 細雨荒園愁粉蝶，

西風淺渚羨團魚。

(6) 撲蝶輕盈舒粉臂，

持螯仔細認團臍。

(7) 風來水面如團轉，

雪後山容似粉鋪。

(8) 持螯涎爲臍團滴，

撲蝶目防翅粉迷。

社友中所作之佳句甚多，爰再摘錄若干首於後，以供同好：

(1) 遠嶂初明敷粉似，

秋雲太薄作團難。

(2) 秋氣隨笳生粉蝶，

暝痕掛杖入團焦。

(3) 絕塞飄沙如粉下，

高秋落葉作團飛。

(4) 莫展長才羈粉署，

祇餘傲骨守團瓢。

(5) 疑皆昇海雲團湧，

望若無塵雪粉飛。

(6) 烟凝水氣成團聚，

雪霽山容帶粉消。

(7) 一溪春水冰團解，

前路冬寒雪粉飛。

(8) 片言道著疑團破，

一顧邀難膽粉殘。

(9) 閒愛畫山摹粉本，

老甘學圃伏團標。

(10) 皓月樓東侵粉壁，

黃鸝塞外捲團沙。

(11) 露沾荷蓋成團似，

雪壓梅花傳粉同。

(12) 坐久花光移粉壁，

吟深松翠落團瓢。

(13) 神凝寶鼎烟團繞，

嚮向粧奩雪粉勻。

(14) 爭春楊柳成團綠，

漲水桃花似粉紅。

(15) 獨饒見地疑團外，

莫補情天膽粉中。

(16) 狂蜂衙小成團湧，

病蝶牆高褪粉飛。

(17) 言甘翻使疑團結，

色艷何勞俗粉施。

(18) 翻覆短牆雙粉蝶，

浮沉淺渚一團魚。

(19) 小扇花間追粉蝶，

一燈水滸捉團魚。

(20) 久雨花魂都粉碎，

良宵月魄正團欒。

(21) 大好河山傷粉碎，

可憐父老望團圓。

(22) 家國支離心粉碎，

風塵飄泊夢團圓。

(23) 祇爲護花驅粉蝶，

更因佐酒捕團魚。

(24) 撲蝶何曾憐粉翅，

持螯猶自擇團臍。

(25) 鄉心幾處艱團聚，

宮怨連年嬾粉妝。

(26) 盡消熱念停團扇，

自葆閒身衣粉袍。